

اداره مخصوصه
درسعادتده ياب على جاده سنده

محل اداره :

مُشَاطَرَةُ الْقِيَمِ

۱۳۲۶

اخطار :

مسلكنزه موافق آثار جديده مع المنور
قبول اولنور
درج ايدنهين آثار اعاده اولنور

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شئون اسلاميه دن
بحث ايدر و هفته ده بردفعه نشر اولنور.

مؤسلى : ابوالعلا زين العابدين - ح . اشرف اديب

درسعادتده نسخه سى ۵۰ پاره در

قيرله دن مقوا بورو ايله كوندريليسه سنوى
۲۰ غروش فضله آلير

تاريخ تاسيسى

۱۰ تموز ۳۲۴

سنه لى

۸۰ ۴۰

ولاياتده

۸۰ ۴۰

ممالك اجنبیه ده

درسعادتده پوسته ايله كوندريليسه ولايات بدلى اخذ اولنور

عدد : ۵۰

۳ شعبان ۳۲۷ پنجشنبه ۶ اغستوس ۳۲۵

ايكنجى جلد

تِلْخَاجْ

یاد ماضی

عکاده کورشیدیکم ذواتدن بری ده مجلس اداره لوا اعضاسندن صالح افندی الخطیب نامنده نکته کو مجلس آرا بریر محترم ایدی. قومشومن اولدیغندن علی الاکثر بولندیغمز خانه یی تشریف ایدر وانواع مطایبات حقائق آیات ایله مصاحبه ذوق وشوق ویردیکی اثناده کاهی محرر فقیره خطاباً : [کل الناس يقول لك حق ، فانت حق من ؟ قل لي يا خليلي] ديه لطيفه ايلردی .

مشایخ شاذلیه دن صیت زهدو تقوایی شهرتکیر آفاق اسلام اولان شیخ علی المغربی قدس سره حضر تالرینک زیارتیه دخی تشرف ایتدم . اوزون بویلی ، ایری کیکلی ، سیاسنده اثر عبادت ظاهر ، عزلت کزین برذات شریف ایدی . بزعمکاده ایکن مشار الیهک یوزبیک قدر مریدانی اولدینی سویله نیور ایدی . روایت کوره بعض مریدانی حضرت شیخه پرستش درجه سنده غلو ایتدکرنندن انلره بدعا ایلمش وتکیه لرینو ، قباتدیرمش .

تصوف حقنده مطالعه فقیر

نفس ناطقه انسانیه ایچون اک بیوک دولت وسعادت خالقنی صفات کالیه وتنزیهیه سی وذات باریسندن صدور ایدن آثار و افعالی ایله بیلیمک وبووجه ایله مبدأ ومعادینه طاقت بشریه مقدارنجه تحصیل وقوف ومعرفت ایلمکدر . بونکده ایکی یولی واردر ؛ بریسی نظر واستدلال یولی ، دیگر ی ریاضت ومجاهده یولی در . بویولره سالک اولانلر ایکیشر فرقه در . نظر واستدلال طریقه سالک اولانلر اگر بر شریعت تمسک ایتشارسه « متکلمین » دیرلر . شرائع انبیادن بر شریعت تمسک دکلترسه انلره « حکماء مشاؤون » اطلاق اولنور . ریاضت ومجاهده طریقه سالک اولانلرده ایکی فرقه اولوب ریاضت ومجاهده لرنده احکام شریعت اتباع ایتشارسه « صوفیون » دینور . مجاهده و ریاضت لرینی هیچ بر شرعه توفیق ایتبوب یالکیز ثمره مجاهده و ریاضت لری اولان کشف واشراق ایله اکتفا ایلمش لرسه انلره « حکماء اشراقیون » نامی ویریلور . حکیم الهی افلاطون بوفرقة اخیره دن ایدی .

برنجی طریقک حاصلی ، قوه نظریه ایله استکمال ایدوب مراتب قوه نظریه ده ترقی ایلمکدر . بومراتبک غایه قصوایی عقل مستفاددر ، یعنی مشاهده نظریاتدر . طریقت ثانیه نک محصولی ، قوه عملیه ایله استکمال ایدوب درجات قوه عملیه ده ترقی ایلمکدر . بوقوتک درجه ثالثه سنده صور معلومات ، عقل مستفادده اولدینی کبی ، نفسه بطریق

المشاهده فیضان ایدر . فقط قوه عملیه نک بو اوچنجهی درجه سی عقل مستفاددن ایکی صورتله اکمل واقوادر : برنجیسی عقل مستفادده حاصل اولان حالت شبهات وهمیه دن خالی دکلدر . زیر طریق مباحنه ده واهمه نک استیلاسی واردر ؛ صور قدسیه ایسه بو استیلادن مبرادر ، چونکه اوراده قوه حسیه قوه عقلیه مسخر اولدیغندن قوه عقلیه نک حکمنده نزاع وجدال ایده من . ایکنجیسی بودرجه ثالثه ده نفس ناطقه انسانیه فیضان ایتش برچوق صورتلر اولورکه برمرآت مجلایه اشیای محاذیه نصل تمامیه انعکاس ایدرسه کدورتدن صافی و اوساخ تعلقاتدن مصیقل اولان نفس ناطقه دخی اوصورتلرک کاملاً کنندیسنه انعطافنه استعداد اکتساب ایلر . حالبوکه عقل مستفادده نفس ناطقه فیضان ایدن حالت انجق مجهوله وصول ایچون ترتیب اولنان مبانی ومقدمات مقدارنده علومدن عبارت اولمغه عقل مستفادده نفس ناطقه نک حالی اول آینه یه بکزرکه جزئی برمقداری جلالنش اولدینی جهتله اشیای محاذیه دن کنندیسنه انجق برمقدار قلیل ارتسام ایدر .

بومشروحاتدن تصرفک نه عظیم وجایل برمسلك عرفان اولدینی نمایان اولور . فقط بومسلك آداب وارکان شریعتده رسوخ پیدا ایتش اجله رجاله خاصدر . بونلر نه نفس لرنده نه خالق ایله اولان معاملاتده دائره احکام شریعتی تجاوزه قطعاً جرأت ایتزلر ، انجق قلباً وفکراً حظائر قدسیه یه پرواز ایله دمام سیرو تماشای عارفانه ده بولنورلر . بو طائفه خرقة پوشان آشنای مقام جمع وتفریقدرلر . بوتماشا ایچنده عظمت الوهیتی وعجز وضعف بشری رأی العین کوره رک کال تذلل وخضوع ایله خالق تعالی وتقدس حضر ت لرینی تمجید وتسبیح ایدرلر . وادی وحدتده عشق الهی ایله سوزاندلرلر . « وحدت وجود » مسئله سی اهل هوانک اماله ایتک ایتدک لری جهتدن پک بیددر . بومسئله عادی بیاغی فکرلرک صعود ایده میه چکی مسائل عالیه دن اولدینی معلوم اهل حالدر . بومسئله معاملات بشر ایله تماس ایتز ، بین الناس مشروع اولان حقوقی محو ایلمز . شیر خوارلره بیوکارک غذاسنی ویرمک انلرک هضم لرینی اخلاص ایله حیانت لرینی محو وبرباد ایتک اولدینی کبی نااهلار ایله بومتوله اسرار غامضیه یی سویلشمک طنائلرینه باعث اولور . عوام ناس رجال دولک خواص ایتک اسرار انکیز طرز افاده لرنده کی رموز و اشاراته عقل ایردیره مزلر ، یانصل اولورده جمله مزک کجاده حقه فهم ایده مدیکمز رموز وحدتی درک واذعانه تاب آور اوله بیلورلر . انلرک بویولده بحثه طالم لرینه مشایخ عظام حضراتی مساعده ایتاملی درلر . بوقیل مسائل عالیه جهله عوام اره سنه دوشرسه تصفیة درون یرینه بالعکس [سن بن ، بن سنم] کبی اوهام باطله ظهور وبوندن ده نتایج فاسده تولدایدر . احکام شرائع وقوانین عبث کوریلور ، حقوق ناس وهمیات صره سنه کچر ، خلقک اموال واملاکنه اشتراک مباح عد اولنور ، ارتق نه مرشد نه رهبر نه مرید قالور . مادی ومعنوی ارشاد واسترشاد قالفار ، بین الناس وصلت وروابط قلبیه منقطع اولورسه عاقبت نعمت آسایش وانتظامکده روی زمیندن الوداع کویان انقطاع وزوال اوله جنی شبهه سزدر . بو حالانک

ظن اولنورسده تلغراف و تلفون ، تلسز تلغراف کبی وسائط ایله عمل اولنوب اولنیه جفته شمدی به قدر فقها سکوت ایتشدر . فقط شومذ کورات ایله عمل دخی قواعد فقهیه دن استخراج اولنور . فقره سی ایله ۸۱ نجی سطر دن آخر مقاله به قدر اولان فقرات متوالیه کافه مدعیات متجاسرانه بی محتوی بولنیور . زیرا کتب مصنفه مفهوه . ملری بالاتفاق معتبر اولمغله کتب مذاهبده سوزلرینه اعتماد اولنان فقهانک ثبوت هلال موجبات شرعیه معلومه سی حصراً بیانلرندن ، بوبابده ماعداسی ایله عمل اولنیه جفی مستبان اولمغده در .

کرامات انسیه وقوای قدسیه مظاهری وقرون خیریه ارلری اولان ائمه مجتهدین افندیلریمز ، خلقت عالمدن بری ظهور ایدن وقایعی وقیامته قدر تحدث ایده جک حوادثی ونشأت اخری احوالی بیانه کافی کتاب الله مدن ولایظهر علی غیبه الامن ارتضی رازپنهانه مظهر حبیب خدا احادیث شریفه سندن قرون اجتهددن صکره حادث اوله جق شئوناته متعلق احکام شرعیه بی ده استنباط ایتشدر ایسه ده احکام مذکوره مشارالیه هم حضراتنک اقوالندن عباره و اشاره ودالات واقضاء طریقلرندن بری ایله منضم اولمغله ، هرکس نقابنی فتحه قادر اولیوب بلکه اختصاص فقهی بی حائز بولنان متبحرین علماء واصل دریای مائی اولورلر . ۱۲۴۰ تاریخنده واقع « واقعه شام » مجتهدیندن دکل ایسه ده عصرنده میدان فقهده قصب سبق احراز ایدن محمد بن عابدین حضرتلرینه « تنبیه الغافل والوسنان » نامنده بررساله ترتینه سبیت ویرمش و بوسیله ایله هلاله دایر بتون احکام فقهیه بی مأخذدن حسن فهم ونقل ایتش اولمغله ۱۲۰۶ ده ایجاد اولوب مشسار الیه عصرنده موجود بولنان تلغراف وسائر ایله بوبابده عمل اولنیه جفی ائمه اربعه کلاملرندن اکلایه رق اهله معلوم اشارتله تلمیح ایتشدر . زیرا سبک خصوصی لفظک عمومیه مانع دکلدر .

اشباه محشیسی حموی ، مصنفی ابن نجیم رحمه الله فوائده زینیه . سندن نقلاً [علم اصولده . بین صرف قواعد وضوابط کلیه دن افتاء حلال دکلدر . هان انجق مفتی اوزره فقهای کرامک تصریح ایتشکری کبی نقل صریحی حکایه واجب اولور] دیش . وقع القدر صاحبی ابن الهمام کتساب ادب القاضی ده وسائر فحولین دخی آثار معتبره لرنده بوقیل بیانات صریحه ایله زمانلری و زمانمز وظیفه لرینی تحدید ایتشدر ایکن صاحب مقاله اجتهد ایدرجه سنه مفتیسارینک افتا صدندن بولندیغمز مسئله به افرادندن اولمادینی حالده [حلال ایله حرام اجتماع ایتدکده حرام تغلب اولنور] قاعده کلیه سنه تطبیق ایتش و اخبار تلغرافی وامثالنک موجب صوم وفطر اولمسی لزومنه قائل اولمشدر .

اشارت اولندینی وجه اوزره قاعده مذکوره مسئله مباحوث عنایه شامل اوله ماز . زیرا قاعده مزبورنک مفادی [وقت واحده محل واحده مبیح ایله محرم جمع اولمغده محرم ترجیح اولنور] دیمکدن عبارتدر . جاریه مشترکده احد شریکینک وطی و مقدماتندن

ایسه طریق تصوف کبی علت غاییه سی جناب خالقه عبودیت وخلق ایله حسن معاشرتدن عبارت بولنان بر مسالک نزیه نزدنده نه قدر منفور اولدیغنی عرض و بیانه حاجت وارمی ؟

بر وقتدنبیری مارالذکر جبل کرم مل اتکنده واقع « حیفسا » قصبه سیله انک جنوبه طوغری بش اون دقیقه اوتسندده المان مهاجرلرینک تشکیل ایتش اولدقلری قریه بی کورمک آرزو ایدبور ایدک . برکون قالدق ، عکا ایله حیفا اردنده قویک ساحلنجه کیدن لطیف بر قومسالدن ، مهاجرین مذکوره طرفندن ایشله دیلن و « Carosse » دن معرب اوله رق [کروسه] اطلاق اولنان یایی بر عربیه راکباً قصبه مذکوره به عزیمت و اوچ ساعتده مواصلت ایلدک . بری [نعمین] اسمنده عکا جوارنده و دیگری [مقطع] نامنده حیفایه قریب اوله رق قویه ایکی نهر دو کیلور . مقطع ، موسم شتاک اواسطندن بهار وقته قدر بهرسنه طغیان ایدر و بواننده کچیدویرمیدی یک چوق اولور . طغیان زمانلرنده انسان و حیوانجه بر خیلی تلفات و ضایعاتی موجب اولور ایدی . بونک اوکنی المی ایچون اخیراً هجرت نبویه نک ۱۳۱۰ سنه سنده نهر مذکور اوزرینه بر اخشاب کوپری انشا ایدلمشدر .

حیفایه قصبه سی کندی نامنه منسوب قضانک قائم مقاملق مرکزی و ۱۷ بیکن متجاوز نفوسی محتویدر . خانه لری کارگیر ، زقاقلری طار واکری بوکریدر . کلیتی اخراجات و ادخالاتی اولوب بورانک دخی عکا کبی تجارتجه اهمیت و ایام شتاده پوسته واپوریه یلکن سفائی یارینه بیله جک برلیمانی و آذر . اسکله سی بولندیغندن یولجیلرله امتعه تجارتیه نک نقلنجه یک صعوبت چکلمکده ایدی . بزدن صکره اوراده اوتوز متره طولنده و اون التی متره عرضنده تیموردن جسم براسکله

برکت زاده اسماعیل حق

بقیه سی وار

مباحثات :

هلاله دائر

صراط مستقیمک قرق یدنجی نسخه سنده هلاله عائد مباحثیه متدائر مقاله مخصوصه نک اکثر مندرجاتی عاجزلرنجه جای تدقیق و تنقید کوریلرک نقاط مذکوره بروجه زیر قید و اشارت اولمش و علما و فقهای کرامنک بوبابده کی تدقیقات موشکافانه لرندن افراد امتک خبردار ایدلمسی تمیایله تشریحات آتیه فضلالی مشارالیه مک انظار حقایق دائر حکمانه لرینه عرض و تقدیم ایدلمشدر . الله ولی التوفیق و بیده ازمة التحقیق .

مقاله مزبورنک ۱۹ نجی سطرندن بداء (تلغراف ۱۲۰۶ ده ایجاد اولنوب ۱۲۴۰ تاریخنده وقوعه کلان واقعه مسئله بی حله کافی